

Daxuyanîya Gelempêrî

Ji bo: netewa Kurd a dîl û bi sebir li seranserî Kurdistanê û li dervê welêt!

Ji bo: hemû partîyên Kurd û Kurdistanî û sazîyên polîtîk û nepolîtîk ên li welêt û li dervê welêt!

Ji bo: hemû kesayetîyên Kurd ên welatparêz, oldar û civakî ên li welêt û li dervê welêt!

Silabê azadî û serxwebûnê li we

Konferansa 6an a Kongreya Nîştîmanî ya Kurdistanê dê Şemîya 18/4/2009an li Kralîyeta Yekbûyî (KY) li Londonê bê lidarxistin.

Konferansa 6an a Kongreya Nîştîmanî ya Kurdistanê wê di şerd û mercên wisa de bê lidarxistin ku ji ber planên dagirkerên Kurdistanê û bi tevlîbûn û hevkarîya rayedarên Kurd li Başûr, herêma azad a Başûrê Kurdistanê li nav sînorêna Iraqâ dagirker hatiye vegerandin!

Konferansa 6an a Kongreya Nîştîmanî ya Kurdistanê wê di şerd û mercên wisa de bê lidarxistin ku dagirkerên her çar parçeyên Kurdistanê careke din ji bo rûxandina tevgera azadîya gelê me dek û dolaban digerînin!

Konferansa 6an a Kongreya Nîştîmanî ya Kurdistanê wê di şerd û mercên wisa de bê lidarxistin ku ramanêن qurmiçandî û xapînok ên Îranîbûn, Iraqîbûn, Tirkîyeyîbûn û Sûrîyeyîbûnê di nav partîyên ku bi Kurdî dipeyivin û xwe Kurd dihesibînin de, di bin dirûşmîn “federalizm”, “mafêن wekhev”, “hemwelatîyên çîna yekem” û hwd de serdest bûne û bergeha têkoşîna me ya welatparêz û rizgarîxwaz û ramanêna avakirina dewleteke Kurd tarî dîkin!

Konferansa 6an a Kongreya Nîştîmanî ya Kurdistanê wê di şerd û mercên wisa de bê lidarxistin ku li gel bi dehan serhildanê mezin û piçûk û hejarî û fidakarîyên bê hejmar ên li hemû parçeyên Kurdistanê, hîn jî çarenûsa me ne zelal e û asoyê têkoşîna me ya azadîyê tarî ye!

Konferansa 6an a Kongreya Nîştîmanî ya Kurdistanê wê di şerd û mercên wisa de bê lidarxistin ku ne tenê sûcdar û failên Enfalân, bombebaranêن kîmyewî û qirkirina Kurdan nehatine cezakirin, lê belê her weha hikûmeta nuh a Iraqê ku di bin kontrola Shiîyan de ye, dixwaze Erebê sunî, hêzêna nijadperest û dilxwazê rejîma berê bikar bîne ku Kurdistanê careke din dagir bike û tevkujîya Kurdan bike.

Konferansa 6an a Kongreya Nîştîmanî ya Kurdistanê wê di salvegera (50.) damezirandina “KAJYK” (Komela Azadî, Vejîn û Yekîtiya Kurdan/Komeley Azadî û Jîyanewe û Yeketî Kurd) de bê lidarxistin. Ji ber vê yekê, di pêvajoya bernameya konferansê de, dê semînar û gotûbêjîn taybetî ji alîyê endamêna damezirêner ve bêna lidarxistin!

Hemwelatîyên hêja!

Kongreya Nîştîmanî ya Kurdistanê dûmahîkeke rêça pîroz a “Komela Zekaf”, Kralîyeta Başûrê Kurdistanê ya di bin serokatîya Kralê Kurdistanê yê nemir Şêx Mahmûd de, şoreşa “Komela Xoybûn” di bin serokatîya İhsan Nûrî Paşa de û Komara Serbixwe ya Kurdistanê di bin serokatîya Qazî Mihemed de ye. Kongreya Nîştîmanî ya Kurdistanê dûmahîka armancê bilind û stratejîya sîyasî û netewî ya KAJYK e; her weha platform û navendeke ji bo hemû çalakvanêna rastî yên ramanêna pîroz ên azadî û serxwebûna Kurdistanê ye.

Hun hemû kesêni li dijî koletî û dagirkerîyê û ku ji bo xwe û netewa xwe şabûn û serketinê dixwazin, têni vexwendin ku vê konferansê hemêz bikin. Kurdistan di xetereke mezin de ye û tenê Kurd bi xwe dikanin welat û netewa xwe ji nav lepêñ dagirkerên xwînxwar rizgar bikin û rûxandina wan rawestînin. Yekîtî, hevkarî û tevlîbûna çalak a we bo formulkirina stratejîya netewî û platformeke hevbeş pêwîst e. Yekgirtin, hevkarî û tevlîbûna we ya aktîv ê di rêça pêkanîna armancê bilind ên gelê me yê bindest û damezirandina dewleteke serbixwe ya Kurdistanê de bibe bersîvîn maqûl.

Em ji hemû kesayetî, partî û saziyên neteweperwer ên Kurd û Kurdistanê dixwazin ku bersîva vê vexwendina konferansê bidin. Tevlîbûna we ya çalak û bi bawerî bo Konferansa 6an ê hest û bawerîya we ya bilind bo rizgarîyê û damezirandina dewleteke serbixwe ya Kurdistanê raber bike.

Ev daxuyanî yê ji hemû alîyên sîyasî, olî û civakî yên Kurdistanê re bê şandin ku tev li Konferansa 6an bibin. Em hêvî dikin ku Konferansa 6an bikin yeka wisa ku ji bo bi giştî rizgarkirina Kurdan ji bindestî û dagirkerîyê biryara çarenûsî bide û dîrokî be.

Heke hun dixwazin nivîs, pêşniyar û daxuyanîyê xwe yên tevlîbûna Konferansa 6an bişînin, an jî bêtir agahî bistînin, ji kerema xwe li gel navnîşan û hejmarêñ telefonê yên jêrîn têkilî çêbikin:

Kingreya Nişîmanî ya Kurdistanê
WKA, Palingswick House
241 King Street
London W6 9LP
wka@knc.org.uk
Tel: 0044 -208 748 7874
Faks:0044 - 208 741 6436

jeerkamil@yahoo.com
knc@ribrahim.de
[0049- 82336121](tel:0049-82336121)

KNC
P.B. 205 Holmlia
1204 Oslo, Norway
0047- 9383 99 53
post@knscandinavia.com

cîhê ku konferans ê/ **Irish Cultural Centre-Hammersmith, Black Road, London W6 9DT**
Saat 10 am – 7pm

Serfirazî ji bo têkoşîna yekbûyî ya netewa Kurd ji bo azadî, demokrasî û damezirandina dewleteke serbixwe ya Kurdistanê!

Bijî azadî, bijî serxwebûn, bijî Kurdistan!

Kongreya Nişîmanî ya Kurdistanê
Komîteya Amadekarîya Konferansa 6an